





(10)

門 儿 5  
號 3075  
卷 10

京口山水志卷十七

丹徒楊棨撰

溧陽山

平陵山元和郡縣志在縣南十八里晉成帝時李闓圍

韓晃於此山斬之山高四十丈太平寰宇記在縣西三

十五里有子胥祠存案晉書蘇峻傳闓斬晃於巖山山距平陵山二十餘里

平陵城金陵志在縣西三十五里平陵山下周二里

高一丈城有四門門外有濠闊六七尺勝公廟記云

固城吳時瀨渚縣楚靈王與吳戰吳軍不利遂陷此

城吳乃移瀨渚於溧陽南十里改爲陵平縣平王立

使蘇迺為將戰敗吳軍以吳陵平縣改平陵縣

案晉書地

理志惠帝永興元年以周玘創義討石冰分丹陽之永世置平陵凡六縣立義興郡以表玘之功並屬揚州晉以前未聞有平陵之名平陵當是晉縣廟記不知所本

陸龜蒙笠澤叢書余

為兒時在溧陽聞白頭書佐言孟東野貞元中授溧

陽尉溧陽昔為平陵縣南五里有投金瀨瀨南八里

許道東有故平陵城周千餘步基址陂陀裁高三四

尺而草木勢甚盛率多大櫟合數十抱藜篠蒙翳如

塢如洞地窪下積水沮洳深處可活魚鼈輩大抵幽

邃岑寂氣候古澹可喜除里民樵置外無入者東野

得之忘歸或比日或間日乘驢後小吏驀投金渚一

往至得蔭大櫟隱崑篠坐於積水之傍苦吟到日西

而還爾後滾滾去曹務多弛廢令季操卞急不佳東

野之為立白上府請以假尉代東野分其俸以給之

東野竟以窮去

元趙孟頫題孟郊平陵圖詩騎驢眇眇入荒城積

水空林坐自清政使不容投劾去也勝塵土負平

生

射鳴堂建康志在平陵城元和初縣尉孟郊建

孟郊詩送淡公十一首中二首短蓑不怕雨白鷺相爭飛短

楫畫菰蒲鬪作豪橫歸笑伊水健兒浪戰求光輝

不如竹枝弓射鴨無是非 射鴨復射鴨鴨驚菰  
蒲頭鴛鴦亦零落彩色難相求儂是清浪兒每踏  
清浪游笑伊鄉貢郎踏土稱風流何如卯角翁至  
死不裹頭

小山池亭金陵志在平陵城小山側去縣西北三十  
里

孟郊與長文上人宿李秀才小山池亭詩燈盡語  
不盡主人庭砌幽柳枝星影曙蘭葉露華浮塊嶺  
笑羣岫片池輕衆流更聞清靜子逸唱頗難儔

附 古固城在今縣西一百三十里高淳縣境寰宇記

在溧水縣城廣二千七百五十步有楚平王祠卽

吳越春秋謂平王都於固城是也

案固城本溧陽地元和郡縣志

隋開皇十一年割溧陽之西丹陽之東置溧水固城遂屬溧水今又析屬高淳云宋周必

大南歸錄云由三埭院三十里至溧水鄧步又十  
里至東壩乃登陸行十五里至銀樹又六七里至  
雙港口復登舟約十餘里至固城湖蓋數百家之  
聚也是日西風動地而雨不作登妙智庵觀范同  
參政父墳晚與庵僧散步固城之上父老謂之楚  
王城其周數里地勢甚高但餘城基庵中石碑龜  
跌乃去歲掘得之唐天寶中彌勒寺碑也建康志

紹興中溧水縣尉喻居中在固城湖湄得東漢溧陽長潘乾校官碑其地卽漢之溧陽也

燕山在縣南八里形如飛燕故名

縣城金陵志在山北五里餘寰宇記元在溧水縣東南九十里唐天復四年

移此案國朝雍正八年總督史貽直疏請江甯府所轄溧陽改隸鎮江府縣遂屬鎮江治如故

唐昇元二年築土城周四里餘河貫城中濠深五尺

濠十倍之宋建炎中西拓青安草市加廣二里建陸

門五水門二元廢明初命將士築之仍南唐舊址而

界草市青安於外越七年又命部使郭景祥加築周

九百丈有奇濬濠深丈餘四門曰東平後改西成南東生

安後改南薰北固學士宋濂爲之記嘉靖中開躍龍壩於

學宮左而閉下水關上下水關間跨水有橋名春雨橋舊名東市宋嘉定中易今名

縣學在縣治東南江甯志漢光和中縣長潘乾立校

官唐縣令柳均興學校莫詳其處宋淳化五年知縣

事夏侯戩建宣聖廟於縣西門外皇祐四年查宗閔

徙於今處明嘉靖元年湯虺闢迎秀門鑿泮池引注

五堰之水四十三年成之

漢校官碑蓋漢三百八十有七載□□于□□

□□銘功著斯金石昇諫曰溧陽長潘君諱軋字

元卓陳國長平人蓋楚太傅潘崇之末緒也君稟

資南霍之禮有天口德之絕搽髻髦克敏口學典  
謨祖講詩易剖演與藝外覽百家衆儔挈聖抱不  
測之謀秉高世之令屈私嚮公卽仕佐上郡位旣  
畢孔武尅菴疾惡義形涇風征暴執訊獲首除曲  
呵尉禽姦妾猾闕息譖歡履孤竹之廉蹈公儀之  
絜察廉除茲初厲清肅賦仁義之風修口口之迹  
烝化放序岐周流愛雙序口口親馭寶暫進直退  
慝帑政優優令色令儀獄鞫喙噤之寃楸鞫叩  
之結矜孤頤老表孝貞節重義輕利制戶六百省  
繇正繇不實自暈百姓心歡向不失實於是遠人

聆聲景附樂受一厘旣來安之復役三季帷泮宮  
之教反共俗之禮構脩學向宗懿招德旣安且宜  
羊焦用張區豆用嗽發彼有的雅容口閑鍾磬縣  
矣丐旨樂焉乃估叙曰翼翼聖慈惠我羣蒸貽我  
潘君平茲溧陽彬文剋老扶弱抑疆口刈髀椎流  
惡顯忠咨疑元老師啟仕品脩學童圃琢質繡章  
寔天生德有漢將興尙且在管我君存今卽此龜  
支遂尹三梁永在支百民人所彰子子孫孫卑尔  
熾昌丞沛國銓趙勳字萼伯左尉河內汲董竝字  
公防右尉鶯章南昌程暘字孝遂時將仕吏名戶

曹掾楊淮議曹掾季就議曹掾梅檜戶曹史賀口  
掾掾位侯祖主記史吳超門下史吳訓門下史吳  
翽門下史時球光和四季十月己丑朔廿一日己  
酉造案此據原碑搨本并王昶金石萃編攷定本隸釋云右校官之碑  
隸額靈帝光和四季溧陽爲其長潘君作紹興十  
三年溧水尉喻仲遠得之固城湖中碑今在溧水  
縣其間用字剗省其刀賢去其貝于侯用張者周  
禮士以三耦射豸侯大射禮用干字尙且在昔者  
似謂太公周公也碑以羣爲黎卑爲俾認卽從字  
廡卽厲字猨卽垂字暫卽智退卽退楸卽野賈卽

責字尊卽蔓字所卽房字

原跋云漢校官碑宋

紹興十一年溧水尉喻仲遠得於固城湖濱置之  
官舍今在孔廟之大門右長樂陳長方雖嘗碑其  
所得本末釋文則未之見碑以靈帝光和四年歲  
在辛酉造距今凡一千一百五十三年番易洪景  
伯先生出字爲之釋謂挈爲契羣爲黎卑爲俾楸  
爲野賈爲責剗去其刀賢去其貝于侯與豸侯通  
尙且謂太公周公可謂精審有據其餘不可辨者  
尙有二十七字今觀首行自三百字以下止斯字  
凡十有六字比之洪氏作釋文時又皆不可攷且



如第三行之字之下是禱字禱下闕一字有天字  
敏之上是克字衆之下是雋字退之下是慝字役  
之上爲復反之下爲失此之上爲卽皆隱隱可見  
洪則悉以爲闕文如旣安且宜則以爲呂宜梅檜  
則以爲桓檜豈當時誤於墨本而然耶溧陽志至  
謂元卓爲貞是又以名乾而傳會也禧承乏于茲  
暇日與士友曹國傑摩莎久之得其二三因以洪  
先生釋文列於上僭附所見於其下勒諸樂石以  
補前修之所未及者餘尙俟博雅君子云至順四  
年龍在癸酉夏五月文學掾濟陰單禧謹識

太白酒樓李白與張旭宴游處元李坦之周子固過  
此有詩載溧陽志未知廢於何時 國朝康熙八年  
知縣徐一經創建於今治上水關并勒白詩非舊所  
矣乾隆六年知縣吳學濂加修

李白猛虎行朝作猛虎行暮作猛虎吟腸斷非關  
隴頭水淚下不爲雍門琴旌旗繽紛兩河道戰鼓  
驚山欲傾倒秦人半作燕地囚胡馬翻銜洛陽草  
一輪一失關下兵朝降暮叛幽薊城巨鼇未斬海  
水動魚龍奔走安得宜頗似楚漢時翻覆無定止  
朝過博浪沙暮入淮陰市張良未遇韓信貧劉項

存亡在兩臣暫到下邳受兵畧來投漂母作主人  
 賢哲栖栖古如此今時亦棄青雲士有策不敢犯  
 龍鱗竄身南國避胡塵寶書長劍挂高閣金鞍駿  
 馬散故人昨日方爲宣城客掣鈴交通二千石有  
 時六博快壯心繞牀三市呼一擲楚人每道張旭  
 奇心藏風雲世莫知三吳邗伯皆顧盼四海雄俠  
 兩追隨蕭曹曾作沛中吏攀龍附鳳當有時溧陽  
 酒樓三月春楊花茫茫愁殺人胡雛綠眼吹玉笛  
 吳歌白紵飛梁塵丈夫相見且爲樂椎牛擲鼓會  
 衆賓我從此去釣東海得魚笑寄情相親

趙葵宅在縣治南有三忠堂

仇遠有詩

其別業日晚香堂

宋理宗御書額從子淮宅在縣治北時號南北二府

見溧陽志

宋史趙葵傳葵字南仲京湖制置使方之子與兄范俱有志事功方器之淳祐九年

授光祿大夫右丞相兼樞密使咸淳元年加少師武安軍節度使進封冀國公薨贈太傅諡忠靖又忠義傳趙淮丞相葵之從子也李全之叛屢立戰功官至淮東轉運使德祐中戍銀樹壩兵敗與其妾俱被執至瓜州元帥阿朮使淮招李庭芝許以大官淮陽許諾至楊城下乃大呼曰李庭芝男子死耳毋降也元帥怒殺之棄屍江濱

元仇遠題三忠堂詩謝砌諸郎入寄奴機雲忘祖

亦忘吳一門一品而今有三世三忠自古無 丞

相當年握筆時封胡羯末總佳兒後來家有無窮

事便是天仙也不知 一紙郇雲傲劫灰慈親一  
見一心摧如今王謝堂前燕飛入人家更不回  
金淵亭金陵志在州治後臨谿宋周必大泛舟游山  
錄云乾道丁亥八月庚申雨止早至溧陽縣泊金淵  
亭宰陳朋元丞趙師旦簿錢聞詩尉時作人辰倅秦  
焞相訪秦惠長書及文編楚材大資政之子也劉季  
高侍郎至此方數日年八十一近臥病而精明如故  
謁閻德夫郎彥昭留致遠飯  
報恩寺在縣東門外金陵志梁天監中建宋宣和中  
爲神霄宮後改爲寺李綱書額

廣教寺在縣東門外金陵志唐長慶元年金吾衛長  
史倪筠捨宅建賜額資聖院宋太平興國五年改今  
額

廣法寺在縣西門外金陵志唐名零陵寺楊吳號資  
福院宋太平興國中改今額寺有澄觀井井刻維唐  
元和六年歲次辛卯五月甲午朔十五日戊申沙門  
澄觀爲零陵寺造常住石井欄并石盆永充供養大  
匠儲卿郭通讚曰此是南山石將來造井欄留傳千  
万代各結佛家緣盡意修功德應無朽壤年同霑勝  
福者超於彌勒前

錫華山在縣南四十五里金陵志峯崖秀出流泉縈繞登臨勝地

石屋山在縣南五十里建康志圖經云吳王使歐冶子鑄劍於此今山西有鑄劍坑

銀方山在縣南五十里

吳丞相萬彧墓建康志在山下三國志吳書孫皓傳彧以寶鼎元年為右丞相鳳皇元年年被譴憂死

青山在縣南六十里金陵志上有雲岫庵幽閭絕塵

城子山丁家山辰山金雞山庭子山甌榦山篤山縣南十里神山泉山二十里喉山高要山二十五里金山羊

曇山氲里山鎖山田瓜山懸鼓山五十里松山天井山

寨山六十里粵山七十里

屏風山在縣東南十里

看經院一名屏風寺在山下金陵志南唐昇元元年建

元仇遠九日屏風山上登高詩天借重陽一日晴因過竹院遠尋僧翠屏晚對無人共畫棟朝飛與客登旋摘菊花浮臘醞待分貝葉讀秋燈餘生有暇須行樂漫向松岡歎廢陵

雲泉山在縣東南三十五里金陵志山上有泉嘗出雲

氣故名一名下山

雲泉寺在山側金陵志唐名雲泉院宋治平初改爲  
淨土院

南唐許堅詩地枕吳谿與越峯前朝恩賜雲泉額  
竹林層建雁墉高石室幽棲幾禪伯荒榛蕪沒蒼  
苔深古池香泛荷花白客有經年說二林落日猿  
啼情脉脉

鐵山在縣東南五十里金陵志唐書地理志云溧陽有  
鐵卽此

銅官山在縣東南六十里金陵志唐書云溧陽產銅是  
也舊因產銅設官故名

三鶴山在縣東南六十里寰宇記昔有潘氏兄弟三人  
於此山求仙道成化爲三白鶴後爲名南有金牛嶺  
新婦山在縣東南五十里侯堂山陽山圖山橫山結都  
山六十五里

桂林山在縣西南三十里金陵志山後有大磐石二一  
曰太古元貞一曰留雲

盤白山在縣西南四十里金陵志下有太虛觀碑載盤  
白真人事真人姓李名盤桓隴西成紀人避魏武之一  
役隱居高遂峯之西鬢髮皤然故名盤白  
名高遂山山有高遂洞

泰虛觀金陵志晉盤白真人成道之地梁簡文帝詔以真人宅作觀賜額招仙宋大中祥符初改今額觀有九井云真人藏丹處溧陽志有銅鐘唐大歷六年鑄明萬歷間賜有道藏

元周子固太虛觀詩聞說江南盤白山異哉仙境在人間千年樓閣空中起一片湖山畫裏看煮藥爐邊雲氣溼步虛壇上雨聲寒明朝奉詔朝金闕好借雙谿一鶴還

三王山在縣西南五十里金陵志說苑云楚威王與眉間尺並一客同葬一山即此案烈士傳眉間尺名赤鼻楚人干將子其說甚誕山

名更屬附會

伍牙山在縣西南六十里輿地廣記子胥伐楚還吳經此山故名案伍牙伍員之訛胡渭禹貢錐指云土音員訛為牙一名護牙山元史阿剌罕傳攻破銀樹東壩至護牙山案護亦伍字轉音之訛

伍相國祠在山下

陳周經伍大夫祠詩白髮傷心事悲涼廟貌同全吳應有恨覆楚不為功一徑埋幽草三春任落紅英風如可見予不厭途窮

鐵冶山一名鐵峴山在縣西南七十里建康志山謙之丹陽記云永世縣南鐵峴山出鐵今揚州鼓鑄之又輿

地志云前代鑄錢處

朝山呂長山石門山茅尖山鳳山縣西南三十里高貴山龍潭山板山石山從山子山義城山荆山四十里塢山虎山仙山富山梅山五十里獨山六十里

菱山在縣西六里金陵志上有龍潭東畔石壁臨谿勢如削成宋丞相趙南仲父子宴游於此其從子桌題石字徑四寸筆法似晦翁南仲書則水石剝落矣

趙桌題名咸淳二年九月四日長沙趙桌偕弟潛領客淮安劉弓壽春孫吳會雲安袁道鳴陶山邱  
□艤舟洗壁間季父舊題九年矣酒數行野人以

江鮮獻乘輿遂涉山椒而眺焉相與亨鮮澄酌拊膺懷古包羅宇宙而入神心境融會賓主酣暢殆忘南轅北旆之交馳也

巖山在縣西十里晉書蘇峻傳管商進攻陵亭壘李閔擊破之商詣庾亮降餘衆歸張健健與馬雄韓晃等俱走閔率銳兵追之及於巖山金陵志云卽此山

大石山在縣西十四里金陵志山麓有龍洞龍池雩禱輒應頂有怪石刻龍洞二字淳祐戊申古汴趙盱夫書元蔣時中大石龍洞詩大石山頭兀磐石下有靈物阻深宅珠宮弄月躍泉光墨池飛雲沛甘澤瘦

藤倒挂古洞前仙壇秋靜明翠烟龍兮冬臥春乃  
起素鱗聞雷飛上天

漢徐州牧溧陽侯陶謙墓在山前陶芥

三國志謙字恭本傳

楊人裴注吳書曰謙死時年六十三張昭等為辭曰猗歟使君君侯將軍膺秉懿德允武允文剛直守以溫仁令舒及盧遺愛于民幽牧暨徐是均憬憬夷貊賴侯以清蠶蠶妖寇匪侯不甯念績爵命以章既牧且侯啟土溧陽遂升上將安東將平世難社稷是崇降年不永奄忽殞歿失恃民知困窮曾不旬日五郡潰崩哀我人斯將誰仰馮追思靡及仰叫皇穹嗚呼哀哉

九龍山在縣西三十里前有新婦嶺後有王母芥

明彭若龍詩九龍山中風日清九龍山前湖

下移青松四時色長伴白雲千古情優游歲月老

將至坐歎林泉意未成安石何曾果忘世恐

望繫蒼生

黃山在縣西四十里

黃山觀在山下金陵志相傳西晉時有黃鶴仙人得

道於此山唐天寶中建觀

安山在縣西四十里

明諸生謝球墓在山下

球字石攻僉事鼎新次諸生順治二年大丘下江

南球毀家募兵兵敗被執不屈死詳明史邱祖球敗時僕劉家兆相隨不去追騎集射死妻陳氏聞夫被執赴火死嘉慶二年入祀忠孝祠見邑志

方山在縣西八十里山有白石峯象鼻峯白石洞

青龍



洞石馬澗桃花界

方山寺在山下溧陽志明崇禎初建華亭董文敏題

曰小普陀寺

芝山在縣西八十一里金陵志嘗產芝草因名山有梅  
仙洞相傳梅福隱此李子洞沸泉出焉燕洞產石如燕  
仙人洞有石碁枰天井洞石竅通天如井黃龍洞乳水  
下滴洞之大者容千人四山奇石林立梅仙洞前觀音  
石狀尤異

靈寶觀在山下金陵志梅福學仙之所唐咸通二年  
修宋太平興國中重修

冠山秀山縣西五里姥山投龍山漁父山十里烏山小  
石山二十里鳳皇山蜒蟒山蜈蚣山谷山前山王佐山  
金魚山三十里張家山子母山四十里浪苦山五十里  
白茅山七十里

曹姥山一名曹山在縣西北八十里瀨水出焉

花山縣西北四十里翼山七十里鹿步山分界山西為溧水

界八十里

玉華山在縣北六十里山東偏有石洞極幽邃明馬一龍有玉

華山小洞天  
記載邑志

馬一龍於玉華山築八角亭詩尋得蟠龍堰上湖

天留此地與狂夫山圍四面如城郭水遶孤亭在  
畫圖未翦春羅花自發欲酌美酒鳥先呼祇緣野  
老間來往猶帶紅塵到碧蕪

青龍山在縣北八十里山半有青龍洞

宋贈節度使諡忠壯李邈墓在山南

宋史忠義傳邈字彥思臨江軍

清江人金兵將及守真定兵不滿二千錢不滿二百萬乃諭民出財募勇敢而新集之兵皆無鬪志金人至乞師不報城破幹離不脅拜不拜以火燎其鬚眉及兩髀亦不顧乃拘於燕山府久之欲以邈知滄州不答且說以此時歸二帝尸兩河地歲取重幣如契丹以為長利金人聽其言命邈被髮左衽邈憤詆毀甚力金人搃其口猶吮血嘔之翼日遇害高宗贈招化軍節度使諡忠壯建康志邈死時建炎二年紹興一二年招魂葬此葉夢得為之銘

瓦屋山在縣北八十里李太白有游溧陽北湖亭望瓦

屋山懷古詩

見後北湖亭

了髻山在縣北八十里

案句容志作哈幘山山蓋界二邑之間

獨秀山縣北三十五里東安山四十五里黃金山黃鳥

山七十里

西山在縣東北二十五里洮湖之上

山東為宜興界周處風士

記昔有西姥得道於此因名山巔有優曇界宋時設巡

司柵

案唐韻西鳥后切山名在溧陽集韻於口切山名在陽羨漢建武中封蔣澄為山亭侯故一名山亭

山楊慎丹鉛錄西山在宜興漢山亭侯山山即其地今桐城有西山讀若偶與溧陽宜興西山同名異地

宋朱晦翁贈西山都巡舍人陳英詩古寨依山麓

頽垣近水湄有兵耕綠野無盜弄潢池歲

福村村

樂官閒事事宜我來無可饋聊遺一聯詩於

汪藻

辟地山山亭野步詩今日幸無雨天空出

也岑行

行不知疲遂至春江潄沿路轉籬落人家深

江桑陰

平疇漲清波隴麥如人深溝畝戲鳧鷖新在

而映浮

沈我本漁樵侶對此借初心風物豈不好蕩

忽來難

自任戰塵暗中原四海如驚禽黃屋狩萬非

王兩宮

隔辰參龍移蠓螳鏡月晦蟾蜍侵宇宙有甲

以覆茲

游豈嘔嶽消憂賴濁醪太息誰能對

楮

史侯祠在山西埭頭村祀東漢溧陽侯贈司

王史崇

建康志有晉永和唐貞觀二碑溧陽志宋大

初元年

賜惠顯廟額政和六年封靈濟公

屢著禱雨之應時

鄭威愍

驤知縣事題祠前石坊曰靈濟公神道祠內

衍嶽堂

朱子書額堂後卽侯墓垣周四百丈高原大

林俯瞰

洮湖

明光祿寺少卿馬從謙墓在山西南

明史本字益之

保從謙

嘉靖十四年進士授工部主事轉禮部主事

擢光祿

寺少卿世宗從事齋醮日費數千緡提督太

監杜泰

歲侵鉅萬從謙奏發之泰因誣為誹

鑄劍於

雷公山在縣東北三十七里金陵志昔有雷公

此

法興寺在山下金陵志唐爲法常寺宋開寶中重建  
治平初改今額寺有石洞可丈許清泉不竭

大簞山小簞山並在縣東北四十餘里洮湖之上

張汝山縣東北三十五里落霞山四十里小山六十里

京口山水志卷十七

京口山水志卷十八

丹徒楊棨撰

溧陽 水

溧水說文水出溧陽縣漢志溧陽縣下云溧水所出南

湖也建康志水北曰陽宣城南一名瀨水源出縣西北

曹姥山東流入長塘湖溧陽志瀨水有二其一發源曹

湖東流過鄧步入溧陽界與曹山之水合漢志至陽羨入

下云中江出西南東至陽羨入海夫起蕪湖至陽羨入

海舍溧陽西南一道無路可由胥谿即漢志中江無疑

自明嘉靖間於高淳東境增築下壩而蕪湖西南之水

北流大江不復東下矣案元和郡縣志溧水在溧陽縣

南六里今舊縣南六里之溧水即笠澤叢書所言縣南

五里之投金瀨知溧亦可名瀨溧或轉爲菱國策范雎

曰伍子胥橐載而出昭關夜行而書伏至於菱水史記



范睢傳作陵水索隱云卽栗水栗又溧之省文溧亦轉爲烈山謙之丹陽記江寧烈洲吳舊津所也亦曰溧洲唐書音訓投金瀨今潁陽江寰宇記吳越春秋子胥奔吳至溧陽女子擊綿瀨水之上子胥過而乞一餐女子發簞飯壺漿而食之子胥餐而去謂女子曰掩子壺漿勿令其露女子曰行矣子胥行五步還顧女子已自投瀨江而死子胥伐楚師還過溧陽瀨上欲報以百金不知其家乃投金瀨水而去今水際有碑李白文

舊縣城在今治西北四十五里瀨渚金陵志引戚氏志云城已圯惟巡檢寨後小坡上有城隍廟自唐初武德三年於此置縣至唐末天復二年移治今所後

一三年唐亡則此城爲溧陽治與唐終始首尾蓋三百  
年云

中江橋一名中橋跨中江金陵志宋元祐三年建

宋岳珂行抵中橋詩歷盡清灣日已曛斷虹吹浪過平湖兒癡不識中橋影問道前山有雨無到得中橋一徑斜岸傍沽酒兩三家長年醉臥桑陰下鼓吹猶聞夾岸蛙

貞義女廟在瀨渚鳳皇橋溧陽志舊在縣西黃山明宏治十一年知縣符觀改建並移宋夏侯戩所刻李白碑於此橋亦觀建南北兩橋故又名雙橋

唐李白貞義女碑銘皇唐葉有六聖再造八極鏡  
清萬方幽明咸熙天秩有禮自太古及今君君臣  
臣烈士貞女采其名節尤章可激清類俗者皆掃  
地而祠之蘭蒸椒漿歲祀罔缺而茲邑貞義女光  
靈翳然埋冥古遠琬琰不刻豈前修博達者爲邦  
之意乎貞義女者溧陽黃山里史氏之女也以家  
溧陽史闕書之歲三十弗移天于人清英潔白事  
母純孝手柔黃而不龜身漂擊以自業當楚平王  
時王虐忠助讒苛虐厥政芟于尚斬于奢血流于  
鞠赤族伍氏怨毒于人何其深哉子胥始來奔句

吳月涉星遁或七日不火傷弓于飛逼迫于昭關  
匍匐于瀨渚舍車而徒告窮此女目色以臆授之  
壺漿全人自沈形與口滅卓絕千古聲凌浮雲激  
節必報之讐雪誠無疑之地難乎哉借如曹娥潛  
波理貫于孝道聶姊殞肆概動于天倫魯姑棄子  
以卻三軍之衆漂母進飯沒受千金之恩方之于  
此彼或易耳卒使伍君開張闔閭傾蕩鄢郢吳師  
鞭屍于楚國申胥泣血于秦庭我亡爾存亦各壯  
志張英風于古今雪大憤于天地微此女之力雖  
云爲之士亦焉能咆哮烜赫施于後世耶望其溺

所愴然低回而不能去每風號吳天月苦荆水響  
像如此精魂可悲惜其投金有泉而刻石無主哀  
哉邑宰滎陽鄭公名晏家康成之學世子產之才  
琴清心閑百里大化有若主簿扶風竇嘉賓縣尉  
廣平宋陟南郡陳然丹陽李濟清河張昭皆有卿  
材霸略同事相協緬紀英淑勒銘道周雖陵頽海  
竭文或不死其詞曰粲粲貞女孤生寒門上無所  
天下報母恩春風三十花落無言乃如之人擊漂  
清源碧流素手縈波潺湲求思不可秉節而存子  
胥東奔乞食于此女分壺漿滅口而死聲動列國

義形壯士入郢鞭屍還吳雪耻投金瀨汜報德稱

美明明千秋如月在水

案大白文李陽水書見建康志宋夏侯散重刊見周

必大泛舟游山錄

宋李綱詩楚王聽讒誅伍卿招呼二子同就烹子

胥彎弓見使者義不戴天非惜生操瓢乞食困江  
表曷嘗一日忘郢城溧水之陽遇貞女壺漿簞食  
欣相迎當時追捕尙爾急殺身滅口意豈輕霸吳  
何止服句踐破楚遂以鞭荆平倒行逆施道雖遠  
復仇攄憤聖所稱郤來訪舊欲報德歎息玉質隨  
流萍投金淺瀨亦何有聊以寓意通精誠哀窮進

食類漂母解劍挂墓同延陵古人已矣不可見空  
有史筆垂英聲 元僕斯詩偶因一飯饋將軍滅  
口沈淵信義存漫說有金堪報德卻憐無地可招  
魂春風灑江蕪綠落日荒祠野樹昏滄海桑田  
任遭變貞名終古照乾坤 明倪岳詩瀨水迢迢  
清復深穹祠精爽尙陰森壺漿聊慰將軍渴鐵石  
應憐此女心慷慨半生輕九死分明一節重千金  
芳魂不逐東流去貞烈名傳亘古今

北湖亭在舊縣城外

李白游溧陽北湖亭望瓦屋山懷古詩朝游北湖

亭遙望瓦屋山天清白露下始覺秋風還游子託  
主人仰觀眉睫間日色送飛鴻邈然不可攀長吁  
相勸勉何事來吳關聞有貞義女振窮溧水灣清  
光了在眼白日如披顏高墳五六墩萃兀棲猛虎  
遺蹟翳九泉芳名動千古子胥昔乞食此女傾壺  
漿運開展宿憤入楚鞭平王凜冽天地間聞名若  
懷霜壯夫或未達十步九太行與君拂衣去萬里

同翺翔

唐興寺在舊縣城側寺有薔薇亭孟東野詩刻石亭  
上陳亮跋宋政和中改名勝因寺內建李白孟郊祠



孟郊溧陽唐興寺觀薔薇花同諸公餞陳明府詩

忽驚紅琉璃千豔萬豔開佛火不燒物淨香空徘徊

花下印文字林間詠觴盃羣官餞宰官此地車

馬來

謝公渰在縣北城下金陵志傳為謝眺洗硯池

謝婆渰在縣南城下金陵志即謝眺故宅

古縣渰在縣南十五里晉永世縣故址

永世城建康志周三百步遺址高一二尺俗稱古縣

吳分溧陽為永平晉武帝太康元年更名永世惠帝永興元年分永世置平陵見晉書地理志宋書州郡

志

葛滄渰在縣西十五里與新昌渰接周四十五里

瀨陽渰一名瀨谿在縣西北四十里

謝達渰一名前馬蕩在縣西北四十里

沙漲渰在縣北十里

宋謝眺詩緩步遵莓渚披襟帶蕙風芙蓉舞輕帶

包筍出芳叢浮雲自西北江海思無窮鳥去能傳

響見我綠琴中

元戶部尚書謚忠愍合刺普華墓溧陽志在沙漲村

元史本傳合刺普華與平山東賊世祖召給宿衛歷官商山鐵冶都提舉都漕運使都轉運鹽使討平陳

良臣之亂右丞峻都征古城交趾屬護餉道北至東莞博羅二界中遇劇賊歐鍾等衆寡不敵遂遇害贈

戶部尙書  
諡忠愍

下湖在縣南十里流入白雲涇

朱湖在縣東南八里郭璞江賦其旁則有具區洮滈朱  
滸丹灤水經注朱湖在溧陽

千里湖在縣東南十五里陸機云千里萑蕪末下鹽鼓  
指此

黃山湖在縣西南三十七里黃山下周十五里

三埭湖在縣西南七十里周四十里一名梁城湖

三埭寺在湖上寺有寒光亭俯瞰梁湖周必大乾道  
壬辰南歸錄云甲寅晚過溧陽縣三里宿新江陰宰

李愿送別于此乙卯風順彌望皆湖田行七十里至  
三埭院院在水中有元豐時劉誼所作記三埭者相  
傳僧伽過江造埭至此爲第三耳主僧宋淨等二人  
寺宇敝甚後有寒光亭可望湖二三年亦廢張安國  
舍人有詩詞

宋張孝祥三埭寺阻雨詩埭上一鈴語湖頭三日  
風蒼山在烟外高浪與天通市迥新篳少僧殘像  
教空不妨留滯好且看夕陽紅 又寒光亭詩亭  
依三埭占清幽松竹環除翠欲流曉色晴開千嶂  
月波光冷浸一天秋瓊瑤影裏詩僧屋雲錦香中

釣客舟風送不知何處笛雁聲驚起荻花洲 又  
三埵寺阻風詞二首問訊湖邊春色重來又是三  
年春風吹我過湖船楊柳絲絲拂面世路如今已  
慣此心到處悠然寒光亭下水如天驚起沙鷗一  
片風定灘聲未已雨來篷底先知岸邊楊柳最憐  
伊記得船兒曾繫湖霧平吞白埵茅簷自有青旗  
三盃春酒醉如泥天色寒呵且睡 岳珂嘉定丁  
卯余守樵李召還郡人見餞于三埵灣偶至此寺  
因名有感詩往年曾佩雙湖組古刹猶題三埵灣  
墮雁重尋湖浩渺斷虹渾記水回環兩州隔涉名

無改二紀棲遲老復還病衲雖無分別想經門莫  
作少年看 元周子固寒光亭詩簷影流不去天  
光蘸波碧開軒足清致遠山映佳夕輕風入坐隅  
水紋浮枕席魚鳥喜相親灑然脫塵跡

昇平湖在縣西南七十里首受東壩之水南通梅社二  
渚

戴步港在縣東南五里溧陽運道自縣南門外水次樂  
登倉東行五里至戴步港又東五里出渡濟橋入荆谿  
界折而西北逕丹陽以達京口

韓城港在縣西南六十五里高淳胥谿之水東流十里

過鄧步入溧陽界又東北十里至韓城港

橫邏瀆在縣東七里南接白雲涇北通洮湖

古瀆在縣北二十三里與瀨谿通

涇瀆在縣北四十五里入洮湖

百丈溝在縣南三里一名百步溝源出燕山東流入白

雲谿舊有壩三十四儲水以灌高田歲久淤塞明宏治

初知縣楊榮濬餘八百丈中存九壩民賴其利

黃墟蕩在縣南十里周五里東北入白雲谿

縹車涇連黃墟蕩

白雲谿一名白雲涇在縣東南十里東入荆谿

高友谿谷谿縣南二十里舉善谿二十里金陵谿六十

里藍谿西南六十里

香苗塘縣西南六里宋塘二十里丁家塘六十里見建康志

五堰案楊吳築五堰地屬溧水嘉靖築下壩地屬高淳久非溧陽境然其地為東南水利之大源而

梁陳以前固溧陽屬也故附錄于諸水之後 景定建康志唐景福三年楊

行密據宣州孫儒圍之五月不解密將臺濛作魯陽

五堰拖輕舸饋糧故軍得不困五堰者銀林堰輿地紀勝

以石室五堰路又液鐵以銅石故曰銀淋今訛為林 在溧水縣東南一百里長

二十里自銀林少東曰分水堰長十五里又東五里

曰苦李堰長八里又五里曰何家堰長九里又五里

曰余家堰長十里

胡渭禹貢錐指云元和志當塗縣有蕪湖源出丹陽湖西北流入大江似元和以前此地已置堰故水不東經

漂陽而西北入江臺濛特因而加築之耳單鏹吳中水利書漂陽之上有五堰所以節宣宣歙金陵九陽

江之水由分水銀林二堰直趨蕪湖後木商由宣歙

販運者以五堰為艱阻罔給官長以去五堰五堰既

廢遇山水暴漲皆入於宜興而注震澤周必大乾道

壬辰南歸錄由鄧步行十餘里至東壩登陸行十五

里至銀樹

即銀林

水泛則自此通舟至固城黃池

案據南歸

錄所云乾道時五堰已復

韓邦憲東壩考洪武二十五年浚胥谿

建石牯啟閉命曰廣通鎮

案漂陽舊志明初雖通運道隨鑿漂水石河引而北

注

永樂元年蘇人吳相五奏復上壩增設漂陽漂水

壩夫守之自是宣歙諸水希入震澤而壩猶低薄水

間漏泄舟行猶能越之正統六年江水汎漲上壩大

決蘇常潦甚國稅無所出巡撫周忱集工加築禁不

得復言運河故道正德七年增築壩三丈餘嘉靖三

十五年復自壩東十里許更築一壩即古分水堰處

今謂之下壩兩壩相隔湖水絕不復東矣

案永樂所復上壩即

宋之銀林壩嘉靖所增下壩即宋之東壩二壩至今如故水之有改

胡渭禹貢錐指云

漢志中江出蕪湖西南者即今蕪湖之縣河

本中江俗稱縣

河流經市中

高淳之胥谿

在縣東南三十里俗稱胥河

漂陽之永

陽江在縣北上承宜興之荆谿也自溧陽流徑縣南

溧水即瀨水又東入震澤寰宇記云荆谿即漢志蕪湖之中江也漢魏間蕪湖水已不復東

故水經有北江南江而無中江韓邦憲廣通壩考曰

廣通鎮在高淳縣東五十里與溧陽接界世所謂五

堰者也西有固城石曰丹陽南湖受宣歙金陵姑孰

廣德及大江水東連三埭湖長蕩湖荆谿震澤中有

三五里頗高阜春秋時吳王闔廬伐楚用伍員計開

渠以運糧今尚名胥谿及旁有伍牙山云土音員左

傳襄公三年楚子重伐吳克鳩茲至于衡山杜注鳩茲吳邑

在丹陽吳興烏程縣南太平府志云蕪湖縣東三十里故蕪湖城即春秋吳鳩茲也亦曰臯夷哀公

十五年楚子西子期伐吳及桐汭杜注宣城廣德縣西南有桐水出自

石山西北入丹陽湖汭水曲也蓋由此道鎮西有固城邑遺址則吳

所築以拒楚者也自是湖流相通東南連兩浙西入

大江舟行無阻矣而漢唐來言地理者遂以為水源

本通漢書地理志云中江出蕪湖縣西南至陽羨入

海後漢書郡國志云中江在蕪湖縣西孔穎達書義

疏亦引漢志為證蓋皆指吳所開者為禹貢三江故

耳或曰胥谿為吳開出何典記曰河渠書云於楚西

方則通渠漢川雲夢之際東方則通溝江淮之間於

吳則通渠三江五湖蓋通江於淮即夫差所開之邗

溝通湖於江卽闔閭所開之胥谿也石城分江水亦是此類古時大江與震澤元不相通安得以後世鑿引之枝流當禹貢三江之二哉又云古時三江不與震澤通而橫流之際江水溢入震澤此理之所有問水從何處入曰卽今高淳溧水之間魯陽五堰之地是自宜興航太湖經溧陽至鄧步登岸岸上小市名東壩自東壩陸行十八里至銀林復行水路百餘里乃至蕪湖入大江銀林之港鄧步之湖止隔陸路十有八里此十八里中有三五里高阜而苦不甚高平時可以遇水之東入或遇暴漲則宣歙金陵之水皆

由荆谿入太湖此高阜者不足以遇之五堰之所以作也又云東壩斷不可廢廢東壩者多出於壩上之人至追咎蘇軾單鰲之言行廢高堰者出於泗州之人至恐潘季馴以毀陵之罪殊可痛疾善乎歐陽公有言天下事不能全利而無害惟擇利多害少者行之其此壩與堰之謂哉雖然壩上壩下之民均吾赤子也韓邦憲云以蘇松常湖諸郡所不能當之水而獨一高淳爲之壑稅入弗捐民何以堪之此亦平心之論蓋浙西諸郡財賦甲於天下權輕重而爲之高淳不得不代受其害而其稅則固可減也輕一縣之

京口山水志卷十八  
三  
稅以慰民心而取賞於數大郡其所得不已多乎

京口山水志卷十八

京口山水志卷末

丹徒楊棨譔

附錄

小昇城太平御覽京口記曰丹徒有小昇城

東武關屯在丹徒至順鎮江志輿地志云吳置

幽州牧齊志云南徐州鎮京口吳置幽州牧屯兵在焉

後樓都嘉定鎮江志鎮海軍節度周寶募兵號後樓都子璵統之

凌波軍嘉定志南唐竊據每歲五月許民競渡籍其



姓名盡蒐以爲兵號凌波軍

烽燧臺至順志輿地志云緣江烽燧臺基吳置並在丹徒

干巖樓嘉定志春明退朝錄云唐成都有散花樓河中有薰風樓綠莎廳揚州有賞心亭鄭州有夕陽樓潤州有干巖樓今皆易其名或不復見至順志宋敏求舍人題刁約藏春塢詩云干巖相望蔽松筠干巖樓唐刺史王璠創

伎堂嘉定鎮江志郡城東北有謝公伎堂遺蹟唐李德裕題北固山詩云班劍出伎堂

射堂 東堂輿地志射堂北有東堂謝元立爲游饒之所世說新語王恭始與王建武甚有情後遇袁悅之閒遂致疑隙然每至興會故有相思時忱嘗行散至京口射堂於時清露晨流新桐初引恭目之曰王大故曰濯濯 太平御覽晉書曰劉毅家在京口酷貧嘗與鄉曲士大夫往東堂共射時庾悅爲司徒右長史要府州僚佐出東堂毅已先至遣與悅相問曰身並貧躓營一游甚難君如意人無處不可爲適豈能以此堂見讓耶悅素豪徑前不啻時衆人並避惟毅留射如故悅厨饌甚盛不以及毅毅旣不去悅甚

不歡殺又相問曰身今年未得子驚豈能以殘炙見  
惠悅又不奮及毅貴奏解悅都督將軍官深相挫辱  
悅不得志疽發背少日而卒

鎮海亭 臨江亭 桂亭至順志潤州類集三亭雜

見傳記為登臨之勝地今皆失其故處

迴賓亭至順志梁武帝大同末幸京口宴帝鄉故老  
於迴賓亭見建康實錄

虎社太平御覽京口記曰虎社中村故老相傳昔有  
虎於社中產因以為名

石羊巷輿地紀勝在郡城南輿地志云劉備詣孫權

同獵因醉各據一石羊

妙善寺羅昭諫集有題潤州妙善前石羊詩又有錢

唐遇默師句云石羊妙善街甘露平泉碑

案嘉定志云妙善寺

舊在金壇宋請廢額建於通吳門外為都統司之功  
德院中有紀忠堂軍帥畢再遇列陣亡將士職位名  
祠之今邑志云寺有石羊失所在蓋善喜字  
形相似誤以宋之妙善寺為唐之妙善寺矣

興國寺張鷟朝野僉載潤州興國寺苦鳩鴿棲梁上  
穢污尊容張僧繇乃就東壁上畫一鷹西壁上畫一  
鷓皆側首向簷外自是鳩鴿不復敢來

晉東海王越墓邑志在城南一里

晉書本傳越高密王泰之次子也承

嘉五年薨還葬東海石勒焚越柩妃  
裴氏招魂葬於廣陵墓毀改葬丹徒

徐羣二州刺史贈侍

里晉書本傳哀字季野康獻皇后父也

晉太尉郗鑒墓在城

立大業曲阿慶亭三南諸縣鑿遂城京口

子愔

司空郗愔墓在城東

溫傾意禮待除散騎州人多勁悍溫恆云

定中有人發愔塚見

康成所書箴左氏膏

伯道鄧云石勒軍發

北中郎郗曇墓在城

於丹徒盜發晉郗曇

諸名賢遺跡事覺其

伯茂好古多以賜之

荊州刺史殷仲堪墓

追兵所獲死於柞溪

居墓側

司空何無忌墓在

年已亥幸丹徒癸亥

木傳無忌東海郯人封安城郡開國公

之衆敗無忌厲聲曰取我蘇武節來執以督  
戰賊衆雲集握節死之贈侍中司空諡忠肅  
宋廬陵王義真墓在城東宋書武帝七男  
孫修華生廬陵孝獻王義  
真

謝靈運廬陵王墓下作曉月發雲陽落日次朱方  
含悽泛廣川灑淚眺連岡眷言懷君子沈痛切中  
腸道消結憤懣運開申悲涼神期恆若存德音初  
不忘殂謝易永久松柏森已行延州協心許楚老  
惜蘭芳解劍竟何及撫墳徒自傷平生疑若人通  
蔽互相妨理感心情慟定非識所將脆促良可哀  
天枉特兼常一隨往化滅安用空名揚舉聲泣已

歷長歎不成章

衡陽王義季墓在城東宋書武帝三王傳武帝呂  
美人生衡陽文王義季

明知資陽縣賀允選墓在丹陽府志允選字繼登丹  
陽人天啟甲子舉人

授四川資陽令張獻忠犯資陽選嬰  
城固守城陷一門十七人俱被害

明吏部尙書張捷墓在丹陽府志捷字前之邑人萬  
曆癸丑進士歷官南京

吏部尙書乙酉自  
經于雞鳴山寺

明教諭睦明永墓在丹陽府志明永字嵩年丹陽人  
崇禎壬午舉人官華亭教

諭乙酉 大兵入  
城自經于明倫堂

晉玉磬至順志國史纂異云唐潤州人曾得玉磬十

二以獻張率更叩其一曰晉某歲所造也是歲閏月

造磬者法月數當有十二今缺其一宜於黃鐘東九尺掘必得焉求之如言而得之

蘇園玉印至順志齊志永明九年曲阿縣民廣慶宅左有園種菜輒鮮異夜嘗有白光狀似垂絹掘獲玉印一紐文曰長承萬福

補遺

羅浮石至順志李德裕有題浙西公宇羅浮山石並浙西公宇奇石詩

寶峯石因話錄唐兵部員外郎李約在潤州得古鐵一片擊之清越又養一猿名生公嘗以隨逐月夜泛

江登山擊鐵彈琴猿必嘯和又於焦山得一石號寶峯後載歸洛中

蘇庠書心經至順志金山龍游寺有蘇養直所書心經及白衣觀音像並鐫於石

大河龍卵至順志宋天聖中近輔獻龍卵云得自大河中遣中人送金山寺沈括居潤時屢見之

大江漲沙至順志江中多沙初自水底漲而出水謂之塗泥地已而生小黃花謂之黃花雜草地自黃花變而生蘆葦則爲良田蔡佑雜記京口江中沙田戶每歲旦收一畝以秤水水重則是年江水大水輕則

京口山水志卷末  
江水小歲歲不差

京口山水志卷末

